



## Inkingi Forces Démocratiques Unifiées United Democratic Forces

☎ ++(250) 728636000    ✉ Fdu.inkingi.rwa@gmail.com

www.fdu-rwanda.com - www.victoire-ingabire.com

**Kigali – Rwanda**

*“Pour un Etat de Droit, la Démocratie et l’Egalité de chances”; “For the rule of law, democracy and equal opportunity”*

---

Kigali kuwa 16 Nzeri 2013

### **FDU-Inkingi iramagana uburyo abaturage bagiye bahutanzwa mu ngirwa matora y’abadebite yo kuri uyu wa 16 Nzeri 2013 .**

Nkuko ishyamba FDU-Inkingi ritahwemye kugaragaza inenge z’aya matora y’abadebite kuva mu itegurwa aho nubundi ari amatora y’ishyamba rimwe rukumbi rya FPR –Inkotanyi( commission ishinzwe amatora kuva ku rwego rwo hasi kugeza hejuru,inzego z’ibanze kuva hasi kugeza ku rwego rukuru rw’igihugu,inzego zose z’umutekano zose zikorera zikanaharanira inyungu za FPR...) aya matora yagaragayemo igitugu n’uburiganya bikiomeye. Aya matora kandi nta shyamba ritavugarumwe n’ubutegetsi ryigeze ryemererwa kuyagiramo uruhare kuko ingirwamashyamba yemerewe ni asanzwe akorerwa mu kwaha kw’ishyamba riri ku butegetsi,naho amashyamba atavugarumwe na FPR yo yangiwe kwandikwa ,abayobozi bayo bahezwa mu bihome bitandukanye aho ndetse muri ino minsi y’amatora bagiye bahohoterwa bakabuzwa gusurwa,kugemurirwa ndetse bamwe bagafungirwa muri twa kasho tuba muri za gereza aho bafungirwa mu rwego rwo kubatoteza uko bashoboye.

Twagiye kandi tubagezaho uko abaturage mu bice hafi ya byose by’igihugu bagiye bahutanzwa bakwa imisanzu ku ngufu ngo yo gukoresha amatora ndetse abafite imirimo bagakangishwa kwirukanwa mu gihe batatanga iyo misanzu y’ingufu bigatuma babikora kugirango bacungure ubuzima bwabo. Gusa abayobozi batandukanye barimo minisitiri w’ubutegetsi bw’igihugu, na Perezida wa komisiyo y’igihugu y’amatora bagiye babihakana ariko bigizankana kuko basaga nkabamagana urwo rugomo rukorerwa abaturage ariko bikarenga bigakomeza gukorwa aribyo bisobanuye ko babihakanaga bya nyirarureshwa.

Iki gitugu n’igitutu gikorera abaturage n’ishyamba rimwe rukumbi rya FPR –Inkotanyi cyarakomeje kugeza ubwo guhera ejo tariki ya 15 Nzeri 2013 mbere y’umunsi umwe ngo amatora abe abaturage bari batangiyeho guhungabanywa ijoro ryose no kugera ku munsi w’amatora bahatirwa gutora ku ngufu ishyamba riri ku butegetsi kugeza nubwo hari abagiye bakangishwa kwirukanwa aho batuye mu gihe hagira ufatwa yanze gutora ishyamba riri ku butegetsi rya FPR-Inkotanyi.

---

☎ (+250) 728636000

✉ Fdu.inkingi.rwa@gmail.com

www.fdu-inkingi.org - www.victoire-ingabire.com - **Donation:** <http://www.fdu-rwanda.com/donation>

Join us on **Facebook:** <http://www.facebook.com/pages/Victoire-Ingabire-Umuhoza-for-President/109504816547> -

Watch us on **YouTube:** <http://www.youtube.com/user/FDUInkingi123> - Follow us **on Twitter:**

<http://twitter.com/VictoireUmuhoza>

Dore zimwe muri za gihamya zituruka mu bice bitandukanye by'igihugu z'ukuntu abaturage bagiye bahutanzwa muri iyi ngirwamatora y'abadebite aho mu bice byinshi abaturage baraye batswe amakarita yabo y'itora bakarara batorerwa n'abakada ba FPR amakarita yabo bakayagarurirwa mu gitondo, naho ahandi bakaba bagiye bahatirwa gutora FPR ubwo binjizwaga mu byumba by'amatora :

#### 1° INTARA Y'IBURENGERAZUBA.

##### -Akarere ka Nyamasheke.

Mu karere **Nyamasheke** mu ijoro ryo kuwa 15 Nzeri 2013 abapolisi, inkeragutabara, na LDF baraye mu baturage babatera ubwoba ko bagomba gutora FPR bitaba ibyo bakaba batoye nabi kandi ko babihanirwa, ibyo bikaba ariko byabaye hose mu mirengi igize akarere kose ka Nyamasheke uko ari 15( **Rugarambuga, Bushekeri, Bushenge, Cyato, Gihombo, Kagano, Kanjongo, Karambi, Karengera, Kirimbi, Macuba, Nyabitekeri, Mahembe, Rangiro, Shang**.)

Urugero ni nko mu mirengi wa Shang , akagari Nyamugari , umudugudu wa Rubavu byakozwe twavuze haruguru bari kumwe n'umujyanama w'umudugudu witwa **Ngirinshuti Emmanuel**, CD w'akagari witwa **Ntihabose na Benjamin Sangara** umujyanama mukuru mu kagari ka Nyamugari.

##### -Akarere ka RUTSIRO

Ku cyumweru tariki 15 nzeri 2013 isaa 15h00 z'amanywa, mu mirengi wa Mushonyi, akagari ka Kavumu, kuri centre commercial ya **Gakeri muri Bar Betaniya** y'uwitwa **Bazira**, hateraniye abayobozi b'imidugudu bose, abayobozi b'utugari bose na ba perezida b'amatora b'utugari bose, perezida w'itora mu mirengi wa Mushonyi witwa Bonifasi akaba ari na Greffier(umwanditsi) mu rukiko rw'ibanze rwa Ruhango muri Rutsiro , umuyobozi w'umurengi wa Mushonyi witwa **NIRERE NKURIKIYINKA Etienne** bahakoreye inama bemeza ko nta jwi narimwe rigomba kubacika, ko bazaka abaturage amakarita y'itora bakabatorera akaba ari nako byagenze koko kuri uyu muni w'amatora kuko abaturage baraye batswe amakarita yabo kugirango bazabatorere ubundi bayabasubize. Iyo nama yakoreshejwe n'intore nkuru mu karere ka Rutsiro yitwa **MBARUSHIMANA Désiré**.

Ibi byabereye mu byumba by'itora bya **E.P GISHWATI** muri Mushonyi akagari ka Biruru, uwari ukuriye iyo santere y'itora Bwana MUSHIMIYIMANA Epimague yakaga abaturage amakarita yabo y'itora ngo babatorere. Kuri iyi santere yitorera hakaba hotoreye imidugudu 7.

Mu cyumba cy'itora **G.S Bugaragara** naho ni muri Mushonyi akagari ka Rurara, ukuriye 'cite' y'itora Muhayimana Dani nawe yabikoze gutyo, hatoreye imidugudu 6.

**G,S Karugarika** mu kagari ka Magaba muri Mushonyi, ukuriye cite **TWIZERE Ismael** nawe yabikoze uko yabisabwe yambura amakarita abaturage kugirango babatorere.

G.S Vumbi mu kagari ka Kaguriro ukuriye cite **NYIRAVUGANEZA IVONE** nawe yabikoze uko yabisabwe kandi yabyubahirije.

Aha kandi muri Rutsiro, secteur Bushonyi, umurengi wa Karugarama, abantu babiri barimo uwitwa **Kanyoni** na murumuna we batawe muri yombi bazira kuba batatoye FPR. Uwitwa **Nsengiyumva** wagerageje gutora PSD yakubiswe iz'akabwana , bulletin ye iracibwa, hanyuma bamutoresha ku ngufu FPR.

##### -Akarere ka KARONGI

Aha naho abategetsi batwaye amakarita y'itora y'abaturage barabatorera. Urugero ni ku biro by'itora bya **Ecole Primaire ya Bubazi** bikoze n'umukuru wiyoye witwa **Mukristo Joseph** no kuri **TTC Rubengera** bikoze n'ukuriye icyo 'cite' **Uwimana Anastase**. Kuri **E.P ya Kibirizi** abaturage batorewe n'uwitwa **Munyambaraga Siliro**.

## **2°INTARA Y'IBURASIRAZUBA**

### **-Akarere ka GATSIBO**

Mu murenge wa **Kiramuruzi , Rwimbogo, Ngarama, Rukomo** naho abaturage biye mirenge bashyizweho iterabwoba ko udatora neza yibwiriza akimuka kuko abantu batari kumwe na FPR na mwanya bafite muri ako karere.

### **-Akarere ka RWAMAGANA**

Mu murenge wa Gahengeri , Perezida wa njyanama **RWAKAGABO Didas** mu kagari ka Gihumuza, n'umuyobozi w'akagali ka Rweri, **Nsabimana Emmanuel** n'umuyobozi w'umugudu wa Kirumuna muri Rweri bateye ubwoba abaturage bayobora ngo utazatora FPR azimuke.Nko ku biro by'itora **G.S APEGA Gahengeri** bari batse abaturage amakarita y'itora barabatorera ibyo biro by'itora bikaba bikuriye na **NTAGAHUNGU J. Claude**. Ibi ninako byagenze mu murenge wa Nzige

### **-Akarere ka Ngoma.**

Muri kano karere ho abaturage banze kwitabira amatara impamvu ikaba ari ukutishimira uburyo abaturage baka karere bagiyeye bahutazwa cyane n'inzezi z'ibanze

## **3°INTARA Y'AMAGEPFO.**

### **-Akarere ka GISAGARA**

Mu murenge wa Nyanza , akagari ka Ruvugizi, umugudu wa Higiye, umuyobozi wako kagari **KUBWIMANA Lucie** yifashishije amabwiriza yanditse yari avanye ku murenge wa Nyanza yasomeye abaturage uko bagomba gutora neza( gutora FPR –Inkotanyi) bitaba ibyo bakimukaho. Aya mabwiriza yayamenyesheje abaturage kuwa gatanu tariki ya 13Nzeri 2013. Kuri uyu munsi w'amatora uwita **Havugimana** wo mu mugudu wa Higiye niwe mu watoreshwe abaturage ku ngufu.

### **-Akarere ka KAMONYI**

Mu murenge wa **Mugina na Nyamiyaga** naho abaturage batoreshweje ku ngufu FPR nyuma yo kubatera ubwoba ko uri bunyuranye naya mabwiriza ari buhoro n'ingaruka zikomeye.

## **4°INTARA Y'AMAJYARUGURU.**

### **-Akarere ka MUSANZE**

Mu karere ka Musanze mu mirenge ya Nyange, Musanze, na Kinigi abaturage baho baraye batswe amakarita yabo y'itora kugirango mu gitondo cyo kuri uyu wa 16 Nzeri 2013 basange babatoye.

#### 5° Umuji wa Kigali.

Mu mugwi wa Kigali icyagaragaye ni uko amanyanga yahakorewe atari make ugereranyije n'ahandi hirya no hino mu gihugu, abatuye mu mugwi wa Kigali bikaba byagaragariraga amaso ko batitabiriye amatara nk'ahandi kuko abantu bari bake ku biro by'itora. Gusa nko mu karere ka Nyarugenge umurenge wa Gitega naho mu kumba batoreramo harimo umukada (cadre) wa FPR wategekaga abinjijemo gutora FPR.

Mu karere ka **Gasabo** mu murenge wa Kimironko site ya Remera Catholique ho bakoze agashya aho **saa moya n'igice za mu gitondo bavugaga ko bari bamaze gutora kugeza ku gipimo cya 90% ibi nabyo birumvikana ko bahaye "gutekinika"(amanyanga).**

Muri rusange ikigaragara nuko aya matara yari ikinamico, gusa biranagaragara ko nubwo FPR yagiye ihindukira ikitorwa, ikanatorera ku ngufu abanyarwanda yirengagije amahame ya demokarasi aho umuturage ariwe wihitiramo umuyobora, biragaragara ko abaturage barambiwe ikinyoma cy'ishyamba riri ku butegetsi aho benshi banze kwitabira aya matara y'umuhango kandi bikaba byagaragaraye mu gihugu hose.

Ishyamba FDU-Inkingi rirashimira ribikuye ku mutima abaturage bose ndetse n'abarwanashyamba baryo muri rusange bagiyeye barigezaho aya manyanga yose yagiye abera mu bice bitandukanye by'igihugu aho abaturage bahutajwe kakahava!

Ishyamba FDU-Inkingi rirasaba kandi buri munyarwanda ukunda ukuri ko ibi bimenyetso by'igitugu bitandukanye byagiye bibakorerwa ko bikwiye kubaha ingufu zo guhaguruka bakarengera uburenganzira bwabo amazi atararenga inkombe kuko gukomeza kurebera ikibi biha urwaho abagikora maze bagakaza umurego.

Mu gihe cyose Ishyamba FPR –Inkotanyi ricyumva ko gukanda abanyarwanda no kubahutaza ariyo nzira rigomba gukomeza gukoresha nta gushidikanya ko ingaruka zizakomeza kurenga imbibi z'uRwanda zikanagera no ku baturanyi nkuko byatangiyeye kwigaragaza ukurikije raporo zitandukanye z'umuryango w'abibumbye aho iri hutazwa ry'uburenganzira bwa muntu bikozwe n'ubutegetsi bwa Kigali bitangiye no kugira ingaruka ku bihugu by'abaturanyi ndetse no ku banyarwanda babaga muri ibyo bihugu.

Tuzakomeza guharanira ko amahame ya demokarasi yubahirizwa kandi twese hamwe tuzatsinda!

FDU-Inkingi

Boniface Twagirimana

Umuyobozi wungirije w'agateganyo